

ACD Val Badia - USD Rina

Inviato da Renato

Ultimo aggiornamento venerdì 25 agosto 2017

Domènia, 09. otober 2016

La Val Badia davagna in e le derby cuntra Rina y fej en gran vare tla pert alta dl tlassamënt.

Por la squadra da Rina ne él nia en bun momënt, ultima.

Dan da tröp publich da dōta la valada y in e da Fodom él gnü soghè sön la bela plaza "Pradel" le derby danter la VB y le Rina. La squadra de Folchi vëgn da en bun momënt cun dōs partides davagnades y sa trat sö tl tlassamënt. Le Rina chir pun y in e la prōma devënta te chësc campionat. I "derby" ne san pō mai sciöche ai se röia. La partida à odü na buna VB tl pröm tēmp che metü bele le resultat al sigü. Tl secundo tēmp à chierí le Rina da rovè à derzé le resultat, mo la sterscia defensciun dla VB ne nia stada sbujada.

La partida mēt man al miú por la VB che sēgna bele al 6^a menüt. Matti Stampfer tira na trata da iantun rodunt te porta. Le portier Huber ne se aspetā nia na te trata y prō de pe da deviē demez. Le curan ti passa sön súa man iampa dlungia pe ite por le vantaje dla VB. Do da 12^a menü él Lorenzini che deviēia de ce bel te porta. Le un dl Rina fej na bela parada devian püch dan le pé te iantun. Al 18ejim de jüch röia t' aria da na pert ite Alex Stampfer ala trata te porta, M.Huber robat la prigorosa trata. Sön la rebatōda röia H.Conrater sön le palé y sú ala trata da daimpró te porta. Cun en gran intervënt robat le verdaporta dl Rina in e chēsta trata. Se fajon ensciö pordenan la prōma dejatenziun sön le gol.

Do da 21^a menü por en fal sön Winkler iafa le Rina na puniziun en gran toch fora dl aria. La trata de H.Rungger é muserada te porta, le un dla VB la alza sön la stangia de porta y le curan röia te iantun. Al 34^a tira "Matti" en iantun che röia fora d' aria al fré "Olex" che tira te porta, püch dan porta tira demez le defensur M.Rungger le prigo. Do da 42^a menü tira indō le cinch dl Rina na gran puniziun, chēsta arsesc püch dan le pé sön la man iampa de Ferdigg che deviēia te iantun. Dui menü dedo röia na passada de A.Stampfer sön i pisc de Prada che röia da na pert ite sú t' aria en velocitè y tira tl piz lunch por le 2 a 0. Gran bel gol.

Do da 53^a de jüch él na bela passada de Prada t' aria por H.Conrater che da feter jō da pé tirl bass cuntra porta. Le curan passa ia dan dōta la porta. Al 59^a menüt tira da sura mesa iamp Tschaffert te porta, le portier dla VB alza la prigorosa trata fora te iantun. Do da 67^a de jüch él en pass scmarchënt dl dui dla VB por Crazzolarà che röia da sú dan porta ala trata. Le un Huber rōbat cun le pe la trata da na pert fora. Al 78^a menüt tira Gasser da bun vintecinchi metri te porta, cun en gran jore deviēia Ferdigg le curan sot la stangia fora te iantun. Al 87ejim él iamò na trata de Crazzolarà che röia da na pert ite dan porta. Le portier para ia por tera la trata bassa. E insciö ne cambia le resultat tl pröm tēmp plú nia, in e sce al é stè de beles ocapiuns. La partida é stada bun arbitrada, set é stades les gheles, dōs por le Rina y cinch por la Val Badia. Por l' Acd VB él sté da fá festa, davagné dui "derby" fej gran ligrèza y an á arjunt le cuarto post te tlassamënt. Le Rina a da soghè iamò le "derby" cuntra le Mareo ai 23 d' otober sön le "Ciamaur" a Al Plan.

ACD Val Badia - USD Rina: 2 - 0

Formaziun dl Rina: 1.Manuel Huber, 2.Manfred Promberger, 3.Michael Rungger (dal 46^a Ivan Tschaffert), 4.Thomas Huber, 5.Hanspeter Rungger (dal 84^a Marco Comploi), 6.Alfons Facchini, 7.Daniel Frenes (dal 49^a Dennis Gasser), 8.Manuel Mellauner, 9.Andreas Ferdigg (capitan), 10:Matthias Winkler, 11.Klaus Promberger.

Alenadú: Georg Craffonara.

Formaziun dla Val Badia: 1.Rene Ferdigg, 2.Heinrich Conrater, 3.Florian Barbolini (dal 83^a Alex Felder), 4.Samuel Vittur, 5.Andrea Conrater, 6.Paolo Adami, 7.Alex Stampfer, 8.Emanuel Dorigo, 9.Gabriel Prada (dal 67^a Miguel Crazzolarà), 10.Matthias Stampfer (capitan) (dal 76^a Max Schrott), 11.Gianluca Lorenzini.

Alenadú: Maurizio Folchi.

Goi por la Val Badia: 6^a Matthias Stampfer, 44^a Gabriel Prada.

Proscimes partides: Le Rina sogà en domènia ai 16 d' otober dales 15.30 sön la plaza da Rina cuntra le Vandoies. La Val Badia sogà bele la sabeda ai 15 d' otober dales 18.00 sön la plaza da Sest cuntra Le Sest.